

**KJKP "VODOVOD I KANALIZACIJA" d.o.o. SARAJEVO**  
**DIREKTOR**  
**Izvod broj: KZ 120/19**

Sarajevo, 13.02.2020. godine

Na osnovu člana 69. stav 2. tačka e) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj KZ 120/19 od 28.11.2019. godine, u postupku javne nabavke br. KZ 120/19 „**Monitoring stakleničkih plinova i buke**“ donosi se :

**O D L U K A**

o poništenju postupka javne nabavke

**Član 1.**

Poništava se postupak javne nabavke broj KZ 120/19 za nabavku usluga: „Monitoring stakleničkih plinova i buke“ iz razloga što su cijene svih prihvatljivih ponuda znatno više od osiguranih sredstava za predmetnu nabavku a sve u skladu sa odredbama člana 69. stav 2. tačka e) ZJN.

**Član 2.**

Ova odluka objavit će se na web stanici : [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj : KZ 120/19 od 17.09.2019.godine.

Javna nabavka je provedena putem konkurentskog zahtjeva nabavke.

Procijenjena vrijednost javne nabavke bez PDV-a iznosi : 6.000,00 KM.

Obavještenje o nabavci broj 247-7-2-195-3-330/19 poslato je na objavljivanje na Portal javnih nabavki dana 23.09.2019. godine. Ispravka obavještenja o nabavci broj 247-7-2-195-8-349/19 objavljena 03.10.2019. godine.

Komisija za javnu nabavku imenovana je Rješenjem br. 19-07-01/19 od 19.07.2019. godine i dodatni članovi komisije imenovani dopunskim Rješenjem br. KZ 120/19-1 od 17.09.2019. godine.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Za predmetnu javnu nabavku dostavljene su tri (3) ponude ponuđača:

1. Ponuđač „Institut za zaštitu, ekologiju i obrazovanje“ d.o.o. Tuzla
2. Ponuđač: „TQM“ d.o.o. Lukavac
3. Ponuđač: „Inspekt RGH“ d.o.o. Sarajevo

- Da su blagovremeno zaprimljene : tri (3) ponude ponuđača

1. Ponuđač „Institut za zaštitu, ekologiju i obrazovanje“ d.o.o. Tuzla
2. Ponuđač: „TQM“ d.o.o. Lukavac
3. Ponuđač: „Inspekt RGH“ d.o.o. Sarajevo

- Da dostavljene ponude ponuđača „Institut za zaštitu, ekologiju i obrazovanje“ d.o.o. Tuzla, „TQM“ d.o.o. Lukavac i „Inspekt RGH“ d.o.o. Sarajevo ispunjavaju zahtjevane tenderske uslove prema obliku i potpunosti u smislu pripreme ponude.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponudu u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	Ponuđač		
		„Institut za zaštitu, ekologiju i obrazovanje“ d.o.o. Tuzla	„TQM“ d.o.o. Lukavac	„Inspekt RGH“ d.o.o. Sarajevo
1.	<b>Tačka 13 TD:</b> Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3.	DA	DA	DA
3.	<b>Tačka 14.3 TD:</b> Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi	DA	DA	DA

R. br.	Zahtjevana kvalifikaciona dokumentacija	Ponudač		
		„Institut za zaštitu, ekologiju i obrazovanje“ d.o.o. Tuzla	„TQM“ d.o.o. Lukavac	„Inspekt RGH“ d.o.o. Sarajevo
	sa predmetom nabavke.			

Komisija konstatuje da ponuđači Institut za zaštitu, ekologiju i obrazovanje“ d.o.o. Tuzla, „TQM“ d.o.o. Lukavac i „Inspekt RGH“ d.o.o. Sarajevo ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je sljedeće:

R. br.	Ostala zahtjevana dokumentacija/aneksi-prilozi	Ponudač		
		„Institut za zaštitu, ekologiju i obrazovanje“ d.o.o. Tuzla	„TQM“ d.o.o. Lukavac	„Inspekt RGH“ d.o.o. Sarajevo
1.	<b>Tačka 15 TD:</b> Pismena izjava ponuđača iz člana 52. Zakona o javnim nabavkama – Aneks VIII; Prilog 5.	DA	DA	DA
2.	<b>Tačka 16 TD: pod brojem 1.</b> Obrazac za ponudu – Aneks II; Prilog 1.	DA	DA	DA
2.1	<b>Tačka 16 TD: pod brojem 1.1</b> Popis dokumenata uz ponudu koji čini sadržaj ponude – Aneks II; Prilog 1	DA	DA	DA
3.	<b>Tačka 20 TD:</b> Obrazac za cijenu ponude – Aneks III; Prilog 2	Ponuđač nije postupio u skladu sa zahtjevima iz tenderske dokumentacije	DA	DA
4.	<b>Tačka 31 i 36 TD:</b> Nacrt okvirnog sporazuma – Prilog 7.	DA	DA	DA
5.	<b>Tačka 31 i 37 TD:</b> Nacrt ugovora o javnoj nabavci – Prilog 8.	DA	DA	DA
6.	<b>Tačka 43 TD:</b> Povjerljive informacije – Prilog 6.	DA	DA	DA

Pregledom ponude ponuđača „Institut za zaštitu, ekologiju i obrazovanje“ d.o.o. Tuzla, konstatovano je da je isti u Obrascu za cijenu ponude – Aneks III; Prilog 2, izvršio ispravke koje nisu u skladu sa zahtjevima iz tenderske dokumentacije tačka 17.1.5 „Ispravke ponude“.

Navedena ispravka je urađena na strani br. 9/45 ponude, za stavku pod rednim brojem 8 „Ukupna cijena ponude sa uključenim popustom bez PDV-a“, ponuđač je uradio ispravku na način da je raniji broj brisao korektorom i upisao novi broj.

Konstatovano je da izvršena ispravka nije urađena u skladu sa tačkom 17.1.5 tenderske dokumentacije „Ispravke u ponudi“, koja jasno i precizno definiše način vršenja ispravki i to:

*Ukoliko ponuđači vrše ispravke u ponudi, iste moraju biti urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke, a sve prema članu 18. stav (1) tačka m) Uputstva za pripremu modela tenderske dokumentacije i ponuda ("Službeni glasnik BiH", br. 90/14, 20/15).*

*Napomena: Ukoliko ponuđač prilikom pripremanja ponude napravi ispravku, istu ispravlja na način da navedene podatke prekriži, ali da isti ostanu vidljivi, zatim navodi nove podatke i iste potvrđuje potpisom i datumom izvršene ispravke.*

Komisija je utvrdila da ponuda ponuđača „Institut za zaštitu, ekologiju i obrazovanje“ d.o.o. Tuzla ne ispunjava zahtjeve ugovornog organa tražene tenderskom dokumentacijom, zbog čega se ponuda ovog ponuđača odbacuje kao neprihvatljiva a sve u skladu sa članom 68. stav (4), tačka i) Zakona o javnim nabavkama.

Komisija konstatuje da su ponuđači „TQM“ d.o.o. Lukavac i „Inspekt RGH“ d.o.o. Sarajevo dostavili ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da su navedeni ponuđači ispunili sve postavljene tehničke zahtjeve, zahtjeve u pogledu opisa predmeta nabavke i tehničke specifikacije.

Takođe je konstatovano da su ponude ponuđača „TQM“ d.o.o. Lukavac i „Inspekt RGH“ d.o.o. Sarajevo potpisane od strane podnosioca ponude i ovjerene pečatom ponuđača, te da imaju broj i datum.

Pojašnjenje u smislu čl. 68. stav (3) ZJN, a koji se odnosi na pojašnjenje dokumenata koje su dostavili u skladu sa čl. 45. do 51. ovog zakona ili da dostave originalne dokumente radi poređenja s kopijom koja je dostavljena uz ponudu, a s ciljem otklanjanja formalnog nedostatka dokumenta – se nije zahtijevalo.

Provjerom računске ispravnosti ponude ponuđača „TQM“ d.o.o. Lukavac i „Inspekt RGH“ d.o.o. Sarajevo konstatovano je da u ponudama navedenih ponuđača nema računskih grešaka.

Postupajući u skladu sa odredbama člana 66. stav 1. ZJN, kao i odredbama člana 17. Uputstva za pripremu modela tenderske dokumentacije (Sl.glasnik BiH 90/14) konstatovano je da je cijena ponude ponuđača „TQM“ d.o.o. Lukavac koja iznosi 6.000,00 KM za više od 20% niža od cijene drugorangirane prihvatljive ponude.

Na osnovu navedenog ponuđaču „TQM“ d.o.o. Lukavac dana 11.11.2019. godine upućen je zahtjev za pojašnjenje neprirodno niske cijene ponude.

Dana 13.11.2019. godine od strane ponuđača „TQM“ d.o.o. Lukavac je dostavljeno pojašnjenje ponuđene cijene. Shodno navedenom, Komisija konstatuje da je ponuđač adekvatno obrazložio ponuđenu cijenu, te da se može nastaviti sa daljim radom.

Konstatovano je da su ponuđači, „TQM“ d.o.o. Lukavac i „Inspekt RGH“ d.o.o. Sarajevo dostavili Potvrdu o primjeni preferencijalnog tretmana domaćeg.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN ).

Tačkom 25. tenderske dokumentacije je predviđeno provođenje e-aukcije. U skladu sa navedenom tačkom, prije zakazivanja e-aukcije ugovorni organ u sistem e-Nabavke unosi sve prihvatljive ponude.

Od strane Komisije za javne nabavke konstatovano je da su prihvatljive ponude sljedećih ponuđača:

RB.	Ponuđač	Početna cijena ponude u KM bez PDV-a
1.	TQM d.o.o. Lukavac	6.000,00*
2.	Inspekt RGH d.o.o. Sarajevo	14.277,56*

E-aukcija je u sistemu e-nabavke zakazana i održana na dan 22.11.2019. godine u 11:00:00 sati.

Iz izvještaja o toku i završetku e-aukcije, koji je preuzet iz sistema e-nabavke, je vidljivo da je e-aukcija trajala od 11:00:00 sati do 11:15:00 sati.

Izvještaj o toku i završetku e-aukcije sadrži i konačnu rang listu ponuđača kako slijedi:

RB.	Ponuđač	Cijena bez PDV-a
1.	TQM d.o.o. Lukavac	6.000,00*
2.	Inspekt RGH d.o.o. Sarajevo	14.277,56*

Za najpovoljniju ponudu ocjenjena je ponuda ponuđača TQM d.o.o. Lukavac.

Vrijednost ponude ponuđača TQM d.o.o. Lukavac iznosi **6.000,00 KM bez PDV-a**.

Komisija jednoglasno daje prijedlog Ugovornom organu da za nabavku usluga: **Monitoring stakleničkih plinova - tender broj KZ 120/19** donese Odluku o dodjeli ugovora ponuđaču: TQM d.o.o. Lukavac broj ponude: **1-521 /2019 od 21.10.2019. godine**, čija vrijednost ponude iznosi **6.000,00 KM bez PDV-a**.

Odluka o izboru najpovoljnijeg ponuđača i Obavještenje o rezultatu postupka su putem faxes, e-maila dostavljena svim učesnicima u postupku dana: 23.12.2019. godine.

Krajnji rok za dostavu kvalifikacione dokumentacije je bio do 28.12.2019.godine.

Komisija za javne nabavke je konstatovala da je ponuđač TQM d.o.o. Lukavac u zahtjevanom roku dostavio sljedeću kvalifikacionu dokumentaciju i to:

- Ovjerena kopija uvjerenja Suda BiH u smislu dokazivanja činjenica iz čl.45 tačka a) ZJN od 23.09.2019.godine
- Ovjerena kopija uvjerenja Općinskog suda u Tuzla u smislu dokazivanja činjenica iz čl.45 tačka a) ZJN od 28.10.2019.godine, a u uvjerenju nije navedeno stanje na dan predaje ponude ( otvaranje ponuda bilo 22.10.2019.godine)

- Ovjerena kopija uvjerenja Općinskog suda u Sarajevu u smislu dokazivanja činjenica iz čl.45 tačka b) ZJN od 28.10.2019.godine, a u uvjerenju nije navedeno stanje na dan predaje ponude ( otvaranje ponuda bilo 22.10.2019.godine)
  - Ovjerena kopija uvjerenja Porezne uprave FBiH da ponuđač nema neizmirenih obaveza od 10.10.2019. godine
- Ovjerena kopija uvjerenja Uprave za indirektno oporezivanje da ponuđač nema neizmirenih obaveza od 07.10.2019.godine

U skladu sa tačkom 13. tenderske dokumentacije dokazi koje dostavlja izabrani ponuđač ne mogu biti stariji od tri mjeseca, računajući od dana predaje ponude /unazad tri mjeseca/ s tim da navedeni dokumenti po datumu izdavanja, mogu biti izdati i nakon dostavljanja ponude ili zahtjeva za učestvovanje, ali pod uslovom da su u dostavljenim dokumentima navedene činjenice o stanju ponuđača na dan dostavljanja ponude ili zahtjeva za učestvovanje (bitno je da ponuđač dostavljenim dokumentima izdatim od nadležnog organa dokaže da je istinito ono što je naveo u svojoj izjavi na dan dostavljanja ponude ili zahtjeva za učestvovanje i da ne postoji niti jedan razlog da njegova ponuda ili zahtjev za učestvovanje budu odbačeni.

Shodno navedenom konstatovano je da ponuđač TQM d.o.o. Lukavac nije dostavio kvalifikacionu dokumentaciju u skladu sa zahtjevima iz tenderske dokumentacije te da se sa istim ne može pristupiti zaključivanju ugovora.

Ponuda ponuđača TQM d.o.o. Lukavac se odbacuje kao neprihvatljiva, a sve u skladu sa članom 68. stav (1) ZJN.

Komisija je dalje konstatovala da cijena ponude drugorangiranog ponuđača Inspekt RGH d.o.o. Sarajevo iznosi: 14.277,56 bez PDV-a, dok procijenjena vrijednost za predmetnu nabavku iznosi: 6.000,00 KM bez PDV-a. Utvrđeno je da vrijednost ponude drugorangiranog ponuđača Inspekt RGH d.o.o. Sarajevo znatno premašuje procijenjenu vrijednost za iznos od 8.277,56 KM odnosno 237,95 %.

Uprava preduzeća je donijela Odluku broj: 13-01-01/20 od. 13.01.2020. godine kojom nije dala saglasnost za nastavak postupka iz razloga što se sredstva za ovu nabavku ne mogu dodatno obezbijediti.

Obzirom da je cijena jedine prihvatljive ponude znatno veća od osiguranih sredstava za predmetnu nabavku, ispunjeni su zakonski uslovi iz člana 69. stav (2)., tačka e) Zakona o javnim nabavkama („Službeni glasnik BiH“, br. 39/14 od 19.05.2014.godine) za poništenje postupka, za predmetnu nabavku usluga: – „**Monitoring stakleničkih plinova i buke**“ - **tender broj KZ 120/19.**

Iz gore navedenih razloga, primjenom člana 69. stav 2. tačka e) ZJN, donesena je Odluka o poništenju postupka kao u članu 1. ove odluke.

**Pouka o pravnom lijeku:**

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti:

- a/a



**Direktor**

Enver Hadžiahmetović, dipl.ing.maš.